

Tribunalis scripturas diripientes, aut comburentes, vel prædictis quibuscumque auxilium, consilium, favorem præstantes.

### III

Alienantes et recipere præsumentes bona ecclesiastica absque beneplacito Apostolico ad formam Extravagantis *Ambitosæ*, de Reb. ecc. non alienandis. (p)

### IV

Negligentes sive culpabiliter omittentes denunciare infra mensem confessarios sive sacerdotes a quibus sollicitati fuerint ad turpia in quibuscumque casibus expressis a prædecess. nostris Gregorio XV, Constit. *Universi* 20 augusti 1622; et Benedicto XIV, Constit. *Sacramentum pœnitentiæ* 1 junii 1741. (q)

Præter hos hactenus recensitos, eos quoque quos Sacrosanctum Concilium Tridentinum, sive reservata Summo Pontifici aut Ordinariis absolutione, sive absque ulla reservatione excommunicavit, nos pariter ita excommunicatos esse declaramus; (r) excepta anathematis pœna in decreto Sess. IV de *Editione et usu sacro-*

(p) Hæc censura a Trid. Sess. XXII. c. 11, Papæ reservata, nunc nemini reservatur.

(q) Hæc denunciationes omitti non possunt sine culpa gravi. Sacerdotes, qui de hac obligatione non monent pœnitentes, puniri debent. Mensis ad denuntiandum utilis incipit a die qua certo innotuerit *obligatio denuntiandi infra mensem*. Pœnitens potest absolvi si spondeat se quamprimum denuntiaturum.

(r) 1<sup>o</sup> Sess. XXII. c. 11. Papæ reservatur (facta prius integra restitutione) excommunicatio lata contra usurpantes, vel in proprios usus convertentes bona, census, jura, fructus, emolumenta...ecclesiæ vel beneficii... vel percipi impediētes ab iis ad quos pertinent.

2<sup>o</sup> Sess. XXIV. c. 1. Parochus vel sacerdos qui sine requisita licentia alienos sponso matrimonio conjungit, vel benedicit, ipso jure suspenditur donec absolvatur ab Ordinario parochi qui matrimonio interesse debebat.